

續修四庫全書

《續修四庫全書》編纂委員會編

續修四庫全書

上海古籍出版社

五〇七・史部・詔令奏議類

李文忠公奏稿八十卷（卷二十六至卷五十三）

〔清〕李鴻章撰 吳汝綸編

.....

一

264/07

李文忠公奏稿

卷之二十六目錄

會商滇案摺 光緒元年八月初六日
請飭薛煥幫辦滇案片 光緒元年八月初六日
恭辦 山陵大差摺 光緒元年八月二十二日
繳還 諭旨片 光緒元年八月二十二日
絲布仍復舊制片 光緒元年八月二十二日
疏濬文衛各河請獎摺 光緒元年九月十一日
張家口兵米請給全銀摺 光緒元年九月十一日
上海機器局報銷摺 光緒元年十月十九日
成船用款片 光緒元年十月十九日
大差應蠲租糧分別核辦摺 光緒元年十一月初三日
賑撫收支實數摺 光緒元年十一月初三日
潮白河工程請獎摺 光緒元年十一月初三日
津郡新城竣工摺 光緒元年十二月十八日
新城工程請獎片 光緒元年十二月十八日
近省續辦隄河各工摺 光緒元年十二月十八日
營員請給封典片 光緒元年十二月十八日

李文忠公奏稿卷二十六

全集一之二十六

桐城吳汝綸編錄

會商滇案摺 光緒元年八月初六日

奏為遵

旨與英國使臣威安瑪會商據情籲懇

聖恩將前派出使英國及查問岑毓英等

諭旨酌量明發以釋其疑恭摺仰祈

聖鑒事竊七月二十九日午刻接奉二十八日

寄諭英國馬嘉理一案威安瑪在津與李鴻章大晤面已有旨

派李鴻章丁日昌將此案與之商議該督等當悉心籌畫妥商定

議以顧大局等因欽此伏查英使威安瑪自七月初二日由滬到

津與臣三次往復晤談旋遞交辦理滇案洋文節略當經先後詳

細面達總理衙門酌辦在案惟該使所要各條雖欲件件辦到而

於

諭旨發鈔一節爭之尤力該使本有即日回京之說適於二十九

日申刻來臣署辭行當告以業經奉

旨派郭嵩焘等出使英國該使似尚愜意惟以有無發鈔為詞仍

欲進京商議臣等遂將片奉

諭旨一道恭錄給與閱看留伊會商該使謂辦理外國交涉須專

視總理衙門為定準若將應辦事宜先與而論自無不可因訂於

三十日辰刻會談復將前遞節略七條逐層辨論並索看實問岑

毓英等

諭旨臣等又將所奉

寄諭敬謹錄給與總理衙門隨後寄到照會該使底稿略同

仍告以已有

廷寄通行各省督撫自必中外皆知可無疑慮該使總謂不肯發鈔為輕視該國並非真心和好之證據專為發鈔二字辨爭兩時之久且云若不發鈔

諭旨亦同虛文餘事可勿庸議臣等既奉

旨會商未便任其決裂且查同治九年法國天津一案曾有明發

諭旨該使必挾此意以固求當允據情代為奏請但可否發鈔仍

非臣下所敢擅擬旋於八月初一二等日面商總理衙門去後威

安瑞忽於三十日申刻坐兵船開往煙臺初五日與該國水師提

督賴德回津專行知會謂該使現有微疾不克會晤旋據前稱已

調梅輝立日內到津該使擬仍赴京意頗快快想因梅輝立向總

理衙門商請發鈔未蒙允准又有不願在津商辦之意臣等竊思

馬嘉理一案已逾半年迄無頭緒該使與其朝廷催辦緊急固在

情理之中且疑中國上下不肯實心和好致有此等巨案臣等疊

經開導我

朝廷及內外各大臣絕無他意該使總不見信其所要求各件若

有礙

國體者雖絕交亦不可允若有關外交無傷

國體者似權宜尚可允行如

簡派使臣一節總理衙門照會各國雖將大英國盛為而明發

諭旨專以曉諭中國臣民自可不必極寫即發鈔後該使或有挑

剔必當據理剖辦無庸先與商明抑或變通字樣另擬

諭旨發鈔以前派出使英國大臣郭嵩燾作為正使許鈴身為

副使似官階亦復相稱至前奉

寄諭責問岑毓英等辦理遲延難向無明發之例而

朝廷既經實意催辦似無妨宣布中外以示大公而服遠人此案

詎本在我值此時勢艱難不得不相機籌駁昨准總理衙門函稱

已告知梅輝立或由臣等設法奏請亦可茲觀威安瑞意甚決絕

即再堅拒必即赴京爭鬧勢更難於轉圜可否仰懇

天恩將前次

諭旨二道酌量明發俾彼可釋疑而我亦不至失體如蒙

俞允該使無論在津赴京商辦他事當較順手似於大局有裨是

否有當請會同前江蘇巡撫臣丁日昌合詞繕摺由驛五百里具

陳伏乞

皇太后

皇上聖鑒訓示謹

奏

奏稿二十六

三

請飭薛煥暫辦滇案片

光緒元年八月初六日

再臣前聞滇邊馬嘉理一案牽涉職官在內英人耳目甚多心計最狡深恐不易辦結曾與臣兄李瀚章緘商以頭品頂戴前任工部侍郎薛煥籍隸四川敘州府與滇接壤現正養病家居該侍郎曾在江蘇藩臬任內值咸豐八年英法議約躬親其事海升蘇撫旋署江督皆兼通商大臣嗣後在總理衙門任事多年洋務最為熟悉於輕重緩急機宜歷練已久控馭有方請其奏調前往商辦昨接李瀚章覆函深以為然謂俟抵滇後再行酌辦頃接總理衙門鈔寄威妥瑪照會滇案詳細情節難支離關係極為重大事勢尤為緊迫況以後邊界貿易恐難堅拒英既得開而入法必援例而來須有明練條約章程者相機察度籌議為日正長要在吏得人隨時設法補救可否請

奏為臣等謹將滇案一切當更得力

旨敕下前侍郎薛煥就近赴滇幫同李瀚章商辦一切當更得力查天津前案經曾國藩丁日昌及臣等數人竭蹶經營幸而釐事滇案視津案後患更多距京極遠非資助於策策力恐遲事未易就緒臣於同治初元蘇撫任內與薛煥共事年餘深知其人老練可靠今為滇案緊要就地擇人起見是否有當謹附片據實密陳伏乞
聖明采擇謹
奏

恭辦 山陵大差摺

光緒元年八月二十二日

奏為恭報奉辦

山陵大差事宜並定期起程仰祈

聖鑒事恭照本年九月十八日

皇上恭奉

慈安端裕康慶皇太后

慈禧端佑康頤皇太后躬送

穆宗毅皇帝

孝哲毅皇后梓宮奉移

山陵所有沿途

肅嚴地盤及經山道路橋梁尖營基址及此外各項事宜均已飭知司道分行各該地方官並遴委熟悉業務之員敬謹備辦昨據

委員隨同籌導處勘定地盤橋道惟通州地面有因水窪須改道之處當飭承辦各官遵照即日興工前准軍機大臣字寄醇親

王奏請變通修道辦法欽奉

諭旨著酌度情形妥籌辦理現當禾稼未盡收穫仍舊徧行曉諭嚴飭地方官不得任意侵佔田疇藉端苛派等因即經遵度嚴飭

欽遵並出示徧行曉諭又疊次欽奉

上諭無庸再徧御道及不准格外苛派擾累仰見我

皇太后

皇上軫念民艱優加體恤至意欽感同深現照道光三十年成案

將

梓宮道修寬三丈外加一丈四尺較之另備

御道丈尺減少而行走亦可展舒已令照式認真修墊務須堅平

乾潔不必積土太厚其各項差事向應借資民力者按照舊章酌時宜核實分派儆戒端格外苛累分別嚴參重辦並飭藩司孫觀於八月二十一日先行出省認真稽查督催期臻妥速擬俟洋務料理粗畢即於九月初二日起程順道入都趨叩闕廷跪聆聖訓再行出京查辦布置一切敬謹隨扈伏候諭旨祇遵至藩司出省後臣省署日行公事已委臬司范梁代印代行其緊要事件仍封送臣行次核辦理合恭摺具陳伏乞皇太后皇上聖鑒謹奏

奏稿二十六

六

奏

奏稿二十六

七

繳還 諭旨片 光緒元年八月二十二日
再臣等於八月初六日曾將英國使臣威安瑪在津商辦各節並該使擬仍赴京緣由專摺馳奏在案初七初八初九等日臣等復與威安瑪梅輝立往來接晤仍堅持初議未敢遽有鬆勁該使執意進京婉留不可遂於初九日下午登舟北行臣等甫奉到初八日寄諭派員出使已明降諭旨應如何照會該使著妥為辦理等因欽此該使業經起程自可不必照會當經函請總理衙門王大臣妥為籌議所有臣等前奉諭旨一道應仍繳還軍機處備查謹會同前江蘇巡撫臣丁日昌附片陳明伏乞聖鑒謹奏

絲布仍復舊制片

光緒元年八月二十二日
再准戶部咨綬定庫奏催直隸省辦解絲布正等款當經行司籌辦茲據藩司孫觀詳稱蘇布定向係蘇浙等省辦解同治三年部議杭州地方未靖蘇郡甫經收復奏改直省辦解應用聲明俟江南等省克復仍照向章由各該省辦解等因原屬一時通融之舉並非沿以為例迄今十年之久直省已屢次竭力籌辦但本地並無出產必須遠赴山東等處設法零星勾兌往往遷延時日近因該處銷路不暢貨益短少價益昂貴而委員往來復增費用殊不合算況直省本係缺額之區加以災欠頻仍糧賦蠲緩連年恭辦

陵差司庫支細實無可籌之款江浙諸清既久蠶織繁茂貨物已充采辦甚易似值較省請復舊制等情具詳前來臣查此項常年需用絲麻布疋已於同治十二年九月間奏請歸各該省辦解奉

硃批著照所請欽遵在案今戶部復令直省采辦惟地非出產事非向章且值經費竭蹶之際無從籌巨款自應復歸舊制仍由蘇浙等省絲布豐收地方分飭辦解以免貽誤謹遵前奉

批旨仰懇

天恩俯准敕部仍照同治三年原議辦理理合附片具陳伏乞

聖鑒訓示謹

奏

疏濬文瀾各河請獎摺

光緒元年八月二十二日
奏為勸捐挑濬文瀾等縣勝芳河道疏通霸保上游各河尾閘現已工竣並將尤為出力員紳請獎恭摺仰祈

聖鑒事竊臣前將霸州文安境內中亭河籌款派員挑濬俾南減霸保等處大清河之水上瀉蘆僧河旁洩牝牛河之水並修築隄埝以衛田廬各該境已獲隄河之益惟下游文安勝芳村東南一帶本係淀泊巨浸水勢寬緩盛漲未能直捷歸壩沿淀村莊頻遭災患因查勝芳之東齊家河頭起經大城縣霸州至靜海縣之楊芬港有舊河一道本為通津達海要區久已淤成平地當飭原挑中亭河之委員候選知府史克寬與文安縣知縣丁符九督同紳董勘籌辦法惟需費甚鉅無款可籌經該員等勸據紳商均願集資興作以工代賑計舊河長四十里裁濬取直合長五千二百餘

奏稿二十六

九

丈定為首尾挑口寬十一丈其餘口寬七丈底寬三丈四尺至三丈八尺河頭地勢高仰挑深一丈二三尺愈下則愈低逐段減至五尺又於沿河北岸五丈外築隄一道高八九尺頂寬一丈七八尺脚寬六丈餘又自齊家河頭上接至崔莊中亭河節節築隄以免中間空缺並將中亭河隄一律加高培厚又因下口楊芬港東即係風河恐溜大倒灌復築土埝二千餘丈用資欄護一面安定工務捐款章程工由印委督率款歸紳董收放遂於四月初開辦至七月初一律告竣其實用捐項銀二萬四千五百七十四兩有奇文大霸保窮黎皆得備工趁食惟切近淀泊施工極難又值夏雨時行屏水撈挖彌形艱苦六月二十八日上游龍門舊隄忽被大溜衝決該員紳等冒險率夫趕聚搶堵旋即閉溜使前項工程不致停廢附近村莊不致成災辦理殊為妥速飭據候補知府徐

本衙前往逐一驗收丈尺悉與原報符合上游各河漲水均歸該河沿道東注甚形暢利堤埝亦均完固統計隄北文安大城霸州永清百數十里內田廬皆得保全而隄南諸淀因有新河迅速宣洩凡葦灘蒲港荷泊稻畦向沒於波濤中者亦多出水小民可資生業且有此非隄若永定河渾水漫至須停頓而後澄清東下藉免東淀淤阻尤於農田水利大局有裨現飭籌議修葺章程隨時實力奉行務期經久不廢除捐資紳商照案歸入賑捐項下核明彙獎外所有尤為出力之官紳四人認真勸督率克成要工復冒險搶堵決口不無微勞足錄候選知府史克寬本係督挑中亭河出力應獎之員擬請將該員俟得缺後以道員用文安縣知縣丁符九請以直隸州知州在任即補都司銜王鶴鳴請加游擊銜同知銜王瑛請加四品銜仰懇

奏稿二十六

十

天恩俯准給獎以示鼓勵至此項工程係屬民捐民辦即以賑濟窮黎應免造報合併聲明理合恭摺具陳伏乞
皇太后
皇上聖鑒訓示謹
奏

張家口兵米請給全銀摺 光緒元年九月初一日
奏為張家口駐防兵米價腳請照例定數目發給全銀以濟兵食恭摺仰祈

聖鑒事竊據口北道玉珩詳稱張家口駐防兵丁每歲應需本色米一萬二千五百餘石遇閏加增一千餘石每米一石例給價銀一兩運腳銀二錢五分向派保安宣化萬全懷安張家口等五州縣廳分領采買運交廳倉支放從前價腳均發實銀且米價平減采買較易歷係按時支放自咸豐四年行用鈔票僅發一半實銀該州縣廳無力賠累遂致連年積欠同治四年前督臣劉長佑奏准每米一石給價實銀七錢核計不敷尚多仍難采買復經前署察哈爾都統裕瑞等奏准部議將同治五年以前欠米暫放折色以後仍放本色頻年疊飭該州縣廳勉力采辦但時價每石需實銀一兩六七錢僅發七錢連運腳在內甫能及半計每年應賠銀一萬兩有奇實屬無從籌補該州縣廳各有應辦差務加以運送西路軍營餉械絡繹於道已屬賠墊不支又何能每年再添鉅萬之累至兵丁賴此養生原領米數本未足用若再拖欠或折給半價即無以餬口飢困堪虞查同治七年停用鈔票以後凡係實用之款均已改放十成實銀駐防兵將緊要熱河密雲山海關等處米折已有改歸十成之案張家口事同一律未便如前折扣請自光緒元年春季起每米一石連運腳仍照舊例發實銀一兩二錢五分並仍由山西豐鎮廳徵收牧地租銀內按年照數解交口北道庫兌收飭領如此辦理雖尚不敷時價而賠累減輕自不致再有延欠兵丁即免枵腹等情並准察哈爾都統慶春等亦以前情咨請會奏以恤兵艱等因前來查直隸州縣瘠苦往往因公虧

那庫款現正通飭清理交代減緩捐攤以杜虧空此項兵米例價已少於時價又復從中折扣不敷采辦州縣無力攤賠非挪動錢糧卽連年積欠流弊滋甚況張家口地方寒苦駐防兵丁惟資額米養生虞春等與該道請將采買兵米價腳仍復舊制發給全銀係爲籌濟兵食核實起見仰懇
天恩敕部議覆施行理合會同察哈爾都統臣慶春署副都統臣奎昌恭摺具陳伏乞

皇太后

皇上聖鑒訓示謹

奏

奏稿二十六

上

上海機器局報銷摺 光緒元年十月十九日

奏爲滬局創設機器歷年動支經費各款援案開具簡明清單恭摺仰祈

聖鑒事竊自同治初年臣鴻章孤軍入滬進規蘇浙輒以湘淮紀律參用西洋火器利賴頗多念購器甚難得其用而味其體終屬挾持無具因就軍需節省項下籌辦機器選雇員匠仿造前臚兵鎗開花銅礮之屬上海之有製造局自此始其地爲各國官商會萃之場其人皆有炫奇鬪巧之智一名一藝奔湊爭先孰格孰良見聞較捷取彼之長益我之短自強之基莫大於是六年曾國藩奏辦輪船請撥江海關洋稅一成八年馬新貽丁日昌續請添撥一成而後局用有常款踵事無止境先後承辦道員沈葆靖馮煥光知府鄭藻如等類能苦心探索引伸觸類拓取法之門徑守核實之常經臣等事事加意督察固無日不責其成效不惜費亦不任浪費也茲據馮煥光等詳稱頻年用款漸巨積贖厘應清釐計自同治六年五月動支洋稅之日起截至十二年十二月底止共收江海關二成銀二百八十八萬四千四百九十七兩九錢八分九釐四毫其用購器製造建廠薪工等項銀二百二十三萬六千二百二十四兩六錢八分九釐一毫實存料物等項銀六十四萬八千二百七十三兩三錢三毫請歸入下次舊管列報所有開除各款俱係慎重撙節惟事屬創始經緯萬端物料取給外洋則昂一器講求數樣則昂匠價優於常例則昂種種積習畧悉費權宜固不敢狃於故常亦不敢絲毫浮冒等因具詳請奏前來臣等公同覆核該局製造大端有五而纖悉零喻之事不計焉一曰輪船開造之始精擇程式詳繪表裏成算既定將船殼鍋爐機分爲三

門以洋匠三人領工華人數百且學經年累月始得入水配用已造成者為惠吉操江測海威靖海安木兵船五號海安丈尺加廣實馬力千八百匹巨礮二十兵丁五百在外國為二等在內地為巨礮又成鐵殼小輪船三號其造而未成者為海安同式之第六號兵船夾板商船小鐵甲兵船目今海上要需無如鐵甲自當因勢利導速求進益冀日起而有功以補購致之不足一日鎗礮向會造英法美兵鎗馬鎗數種今則改造後門鎗專主林明敦底鎗中鎗鐵鎗鋼鎗之式別有所謂馬梯泥土乃得者法明而器猶未備向會造生鐵輕銅田雞礮多尊今則議改烏理治鋼膛鐵鎗前門炸彈之式別有所謂克鹿卜回特活得者用宏而力有難兼禦侮之道礮甚於鎗縱不能如岳族絕大窮凶之制尚當勉圖精利取攜自如庶幾船臺不等虛設一日火藥彈子年來購買及自製鎗礮何止數千百具要皆不耐土藥不受劣彈若非及時配辦並分別前膛後膛大小長短之度臨事何所設施利器直同廢物該局又在局西十里之龍華地方分廠治具如法開造約計每日出藥千磅出林明敦彈子五千顆就中試用化學兼造白火藥及各種礮水均有成就所造礮彈月計不足歲計有餘此物貴多貴精未敢稍涉大意蓄艾之方得寸則寸也至如製器建廠一事器體互異名色甚繁而統謂之機器造船造鎗造火藥彈子是為機器大宗此外鎗銅鍊鐵鋸木挖泥抽水打樁起重印書印圖等事亦皆機器為之入手以重價購自外洋迨至隨事遞增或仿舊式或出新裁或攷圖說往往由局自造工料亦復浩繁增機器必增廠屋以資會歸綜前後營造計之局以內工藝正副各廠及庫房畫圖房方言館公務廳共十七座局以外船礮藥彈各廠及

洋樓與圖局共十五座大船塢一區皆係價買民地經營近十年而後規模粗具締造之難有如此又如繙譯課士一事西法兼博大潛奧之理苦於語言文字不同將欲因端委窮流溯源舍繙書讀書無善策該局陸續訪購西書數十種厚聘西士選派局員相與口述筆譯最要為算學化學氣機火藥礮法等編固屬繁夥製造即如行船防海練軍采煤開礦之類亦皆有裨實用現譯出四十餘種刊印二十四種藉是稍窺要領願啟高明又挑選生徒數十人住居廣方言館實以膏火中西並課一挾其祕一學其學製造本原殆不出此其局務大略聊可舉數者也至等考其歲入之數至多不過四十萬而一隅兼數局之任一曰倍千人之供尚能規畫咸宜成造之件應付數省精緻適用自開局以來凡例所本無用所必有率皆秉承臣等斟酌定議此次總撥放款係實用實銷毫無浮混但名目繁瑣剖晰夢如難以循例造報理合援照天津成案彙繕簡明清單恭呈御覽仰懇天恩逾格准予開銷以清款目而策後效除分咨總理各國事務衙門戶部工部查照外所有上海機器局自同治六年五月起截至十二年十二月底止動支經費各緣由謹合詞恭摺具陳伏乞皇太后皇上聖鑒訓示再滬局創設之後初次報銷此摺係臣鴻章主稿合併聲明謹奏

成船用款片 光緒元年十月十九日

再查工部奏定各省購買輪船未能逐款造報應由各督撫專摺奏銷報部存查一案原摺內稱安徽辦江防由外洋購買輪船二隻既無例案可循應令專摺奏銷並將船身丈尺工料價值需用機器等項開單咨部存案嗣後各省均令遵照辦理等因奉旨依議欽此欽遵行知在案滬局各船雖係自造而大宗物料無非購自外洋製造工作亦係洋匠主持與購買外洋船隻略同所有陸續成船修船行船各種工料及未移交操練局以前支發薪糧等費仍應分晰開報以昭核實而符成案茲據馬燧光等具詳前情除支用總數已列入四柱清單奏報外謹片將每船用款臚列一單附片具陳恭呈御覽謹

奏稿二十六

六

奏

大差應蠲租糧分別核辦摺 光緒元年十一月初三日

奏為

山陵大差奉蠲沿途州縣糧租遵化州並非經由地面照案應行剔除並將應蠲糧租照例分別核辦恭摺仰祈

聖鑒事

穆宗毅皇帝

孝哲毅皇后梓宮奉移

上諭著將沿途經過之大興通州三河薊州地方本年地丁錢糧蠲免十分之五遵化州蠲免十分之七所有由京至遵化州一帶經過地方除隙地不計外凡有平毀麥田者著加恩每畝賞給銀一錢俟農民購買籽種藉資補助又續奉

奏稿二十六

七

上諭大興通州三河薊州遵化五州縣蠲免本年錢糧著再加恩全行蠲免倘有應徵本年各項旗租併著一體蠲免各等因欽此均經行飭欽遵迅速曉諭認真辦理茲據布政使孫觀詳稱從前奉蠲此項糧租係將經過州縣查報請蠲恭查同治元年九月文宗顯皇帝

孝德顯皇后梓宮奉移

山陵欽奉

奏奉

恩旨蠲免遵化等州縣錢糧因遵化州並非經過地面經前督臣上諭遵化州地面既未經由與民田無礙即著無庸蠲免以示區別等因欽遵在案此次沿途經過地方係大興通州三河薊州四州縣遵化州僅在薊州借地辦差並不經過該州境界與同治元

年事同一律所有遵化州應徵本年錢糧旗租自應照案別除無庸免該州亦無平毀麥苗地畝並無庸賞給籽種銀兩以示區別等情具詳前來臣覆核無異相應奏明請

旨遵行至定例蠲免錢糧應按

御道兩旁地畝丈算山岸河坎窄狹處所以二里為限平原曠野以三里為限道光三十年

西陵大差同治元年

東陵大差均經戶部核議應以二三里界內請蠲此次大興等州

縣蠲免錢糧似應照例案仍以二三里為限又定例恭遇

巡幸經過地方旗租應隨民地請蠲及奉

旨准蠲旗租並未指明分數者概以三分為率此次初奉

恩旨雖未指及旗租而續有各項旗租一體蠲免之

諭似應於例准隨同民地請蠲三分外再將蠲脫租銀一體全行

蠲免又賞給農民籽種銀兩應無論民糧旗租地畝除隙地不計

外凡種有麥苗平毀者一體給賞以廣

皇仁以上三項臣已咨部核覆辦理所有遵化州並非經由地面

照案應行剔除並應蠲旗租照例分別核辦各緣由理合恭摺具

陳伏乞

皇太后

皇上聖鑒訓示謹

奏

賑撫收支實數摺 光緒元年十一月初三日

奏為查明同治十一十二兩年續辦賑撫案內收支米糧棉衣銀

錢實數照案開單彙報請免造冊恭摺仰祈

聖鑒事竊照同治十年直隸雨水成災經臣奏准籌撥款項並勸

南省及本省官商集捐分別賑濟以工代撫業將十一年七月以

前收支各數開單彙報請免造冊是年十二月二十二日奉

旨著照所請該部知道單併發欽此欽遵在案伏查十一年十二兩

年夏秋之交大雨時行西北口外山水奔騰匯注以致順屬直屬

州縣連遭災患又經奏准截留江北漕米勻提藩司等款一面勸

捐濟用並欽奉

特恩指撥東南各省協款工賑並舉除順天府尹奏撥銀米專歸

順屬動用業經府尹臣奏報外其由天津籌賑局列收米糧棉衣

錢糧隨時撥發順屬直屬工賑之需自應接續開報查前次奏報

十一年七月以前收支各數案內尚存大米六千四百九十六石

零紅糧九百五十五石零棉衣二萬七千八百八十一件銀十一

萬九千七百八十八兩零制錢六萬三千六百串連此次新收共合

大米十一萬七百三十五石零小米四萬九千一百零五石零雜糧五萬

九千一百二十石零棉衣十四萬三千七百四十五件銀九十六萬

萬八千二百二十二兩零制錢七萬九千一百串除支銷外米糧

棉衣錢文無存尚餘銀八千六百七十六兩零應歸續辦工程項

下動用據籌賑局司道將各屬賑務及以工代撫各款收支實數

分晰開單具詳前來臣查直隸從前辦賑皆照定例各給兩箇月

三箇月口糧道光三年災案計撥漕米食米七十萬石帑銀一百

八十萬兩同治十一十二兩年災區不少惟帑銀支絀連京外官

紳捐助綜計銀米各項不過道光三年十成之五勢難照例給賑且河道隄埝多被衝壞亟須設法修濬用衛農田故必變通章程賑其老弱殘疾而令少壯者藉工傭趁以期一舉兩得所有該兩年賑撫事宜均照同治十年定章確查戶口核實無卹災重則口少而糧多災輕則口多而糧少並擇地安設粥廠備賑恤流民春融發給路費行糧遣散歸業由臣督飭官紳親自經理不假吏胥之手聞頗受實惠至以工代撫亦皆竭蹶經營使災黎有餬口之資地方獲善後之益其開如堵築永定河北下汛十七號南四工九號漫口通州潮白河漫口挑挖天津迤東陳家溝至北塘引河霸州中亭河文安勝芳河修濬省城附近隄河及南皮縣城工等項已將辦法情形先後專案陳奏並於節次籌辦工賑摺內聲明業開清單免造細冊臣復隨時隨事督同司道嚴密稽核凡工賑各款皆係實用實銷並無絲毫浮冒相應將收支實數彙開清單恭呈御覽仰懇天恩俯照奏准成案免造細冊以歸一律理合恭摺具陳伏乞皇太后皇上聖鑒訓示謹奏

謹將同治十一十二兩年災賑案內籌辦各屬撫卹並以工代撫收支米糧銀錢棉衣數目核實開具清單恭呈御覽

計開

原存項下
一存大米六千四百九十六石六斗二升六合
又紅糧九百五十五石七斗二升三合
又銀十一萬九千七百十八兩七錢八分九釐二毫一絲六忽
又制錢六萬三千六百串
又棉衣二萬七千八百八十一件
收數項下
一收截留江北河運粳米九萬五千七百五十二石四斗四升二勺
又粟米一萬一百九十六斗九升一合六勺
又隨帶備耗粟米一千石
一收天津水利局撥解同治九年徵存鹹水沽糧淀地租大米二百石
又撥解同治九年十一十二等三年徵存葛沽營田大米二百四十六石
一收官商捐賑大米五千四百四十石八斗八升
又捐賑小米七千三百三十二石五斗四升五合
又捐賑雜糧八千石
一收采買大米二千六百石
又收采買小米二萬一千六百四十九石八升八合二勺

又收采買紅粗雜糧五萬一百六十五石一斗三合一勺六抄
一收官商捐賑銀十二萬二千七百七十七兩一錢二分二釐六毫
一收東南各省協款銀四十萬兩
一收本省藩庫撥地丁銀十萬兩
一收山海關撥解加增洋藥釐捐銀六萬五千九百五十八兩九錢七釐
一收江浙興商借領練餉錢文應繳息制錢七萬四千二百串合銀四萬八百一兩七錢三分七釐七毫
一收督銷鹽課委員借領練餉錢文應繳息制錢六千五百串合銀三千七百六十二兩五錢一分八釐五毫七絲八忽六微
一收招商局借領練餉錢文應繳息制錢一萬四千串合銀八千七百三十三兩三錢五分二釐
一收保定練餉局於江南海關協款項下撥銀七萬九千三百八十八兩
一平糶大米三千一百六十四石小米八千八百五十五石五斗五升四合六勺五抄雜糧一萬三千三百二十二石二斗九升九合二勺共收價銀二萬八千四百五十兩四釐
一收官商捐賑制錢一萬五千五百串
一收官商捐賑衣十一萬五千八百六十四件
以上原存新收兩項共計
大米粳米十一萬七百三十五石九斗四升六合二勺
小米粟米四萬九千一百三十三石四斗四合八勺
雜糧紅糧五萬九千一百二十石八斗二升六合一勺六抄
銀九十六萬八千二百二十二兩四錢三分一釐九絲四忽

制錢七萬九千一百串
棉衣十四萬三千七百四十五件
支銷十一年分賑撫項下
天津縣貧民一萬一千四百二十四戶其大小折成三萬六千六百三十一口半計發冬春撫卹漕米七千八百六十一石四升六合六勺四抄紅糧一千七百三十三斗一升三合三勺六抄運腳棚廠經費銀六百六十二兩五錢二分二釐九毫四絲一忽棉衣六千八百四十三件
一靜海縣貧民一萬二千九百六十戶其大小折成二萬七千七百三十九口半計發冬春撫卹漕米四千三百石大米三千四百九十三石二斗二升九合小米二千二百二十一石九斗二升二合運腳經費銀一百二十三兩五錢三分八釐二毫棉衣五千二百件
一青縣貧民一萬二千八百五十九戶其大小折成三萬六千三百七十三口半計發冬春撫卹大米五千四百四十四石二斗七升七合紅糧九百五十五石七斗二升三合棉衣四千五百件
一鹽山縣貧民六千三百九十三戶其大小折成一萬八千八百三十三口半計發冬春撫卹米折銀二千五百二十兩春撫米折銀一千六百八十兩棉衣三千九百件
一安州貧民一萬三千三十九戶其大小折成三萬四千八百四十一口半計發冬春撫卹米三千一百二十石春撫漕米二千八十石運腳經費銀四百十四兩四錢一分六毫棉衣四千三百二十件
一雄縣貧民七千一百八十八戶其大小折成二萬一千六百四

十一口計發冬撫漕米二千八百八十石春撫漕米一千九百
十石連腳經費銀四百九十九兩九錢二分三釐八毫棉衣三千五
百件

一新城縣貧民四千四百七十二戶其大小折成八千二百三十口
半計發冬撫漕米二千一百石春撫漕米一千四百石連腳經費
銀三百八十八兩一錢九分棉衣二千八百九十三件

一河間縣貧民一萬五千三百三十三戶其大小折成二萬二千七百六十
八口半計發冬撫漕米二千四百石春撫漕米一千六百石連腳
經費銀三百六十二兩五錢五分六釐九毫棉衣四千二百件

一獻縣貧民一萬一千五百三十七戶其大小折成三萬二千一
百九十九口計發冬撫漕米二千一百石春撫漕米一千四百石
連腳經費銀三百八十五兩七錢四分棉衣四千八百九十三件

一任邱縣貧民一萬六千九百三十四戶其大小折成五萬五千
五百三十九口計發冬撫漕米二千八百八十石春撫漕米一千
九百二十石連腳經費銀三百三十七兩三錢六分六釐六毫棉
衣四千二百二十五件

一安平縣貧民五千九百三十五戶其大小折成一萬三千二十
口計發冬撫漕米三千石春撫漕米二千石連腳經費銀四千九
十四兩七錢七分二釐八毫棉衣四千二百七十六件

一深澤縣貧民三千七百六十二戶其大小折成六千六百六十
口計發冬撫漕米一千八百石春撫漕米一千二百石連腳經費
銀三百九十八兩八錢六分三釐八毫棉衣二千七百六十五件

一撥順天府屬截漕粳米粟米六萬石內發通州粳米五百石三
河縣粳米五百石武清縣粳米六千石粟米五百石寶坻縣粳米

六千石粟米二千石薊州粳米三千石粟米一千石香河縣粳米
一千石文安縣粳米一萬一千石粟米二千石大城縣粳米四千
九百八十石粟米二千二十石薊州粳米三千五百石粟米一千
石保定縣粳米二千石固安縣粳米三千石粟米一千石永清縣
粳米四千石粟米五百石東安縣粳米三千五百石粟米一千石
一撥順天府屬截漕粳米二萬二千三百件內發通州二百件三河縣二百
件武清縣二千件寶坻縣二千四百件薊州一千二百件香河縣
三百件文安縣七千件大城縣三千件霸州一千四百件保定縣
六百件固安縣一千二百件永清縣一千四百件東安縣一千四
百件

一清苑縣散放棉衣一千六百件
一津郡城隍廟粥廠自十一年十一月初一日起至十二年二月
十一日止每日收養流民計大小折成九百三十一口至四千七
百八十八口不等共計用大米一百八十二石小米一千二百五十五石
搭蓋窩棚購買柴薪各費銀四百六十七兩九錢一分八釐棉衣
四千件

又海會寺粥廠自十一年十一月初三日起至十二年二月十一
日止每日收養流民計大小折成三千六百十七口至五千五百
七十六口不等共計用大米八百三十五石小米一千一百八十八石
八斗五合五勺搭蓋窩棚購買柴薪各費銀六百五十四兩五錢
四分棉衣五千二百八十件

又藥王廟粥廠自十一年十一月十一日起至十二年二月十二
日止每日收養流民計大小折成二千二百八十五口至四千七
百三十七口不等共計用大米二百八十八石小米一千四百六十石

六斗二升三合搭蓋窩棚購買柴薪各費銀五百四十兩棉衣三千九百件
又如意庵粥廠自十一年十一月初三日起至十二年二月十二日止每日收發流民計大小折成二千一百六十四口至二千三百二十三口不等共用大米四百十二石小米七百二十石搭蓋窩棚購買柴薪各費銀三百八十七兩七錢七分七釐棉衣二千六十七件
一遣散粥廠貧民共合大口一萬七千三百五十四口用紅糧一千七百三十五石四斗盤費制錢一千七百三十五串四百文
一文安大城兩縣加賑災民其計大小折成二萬三千九百九十口計發大米一千六百三十五石銀八千八百兩運腳銀一百四十三兩六分六釐三毫棉衣三千五百件
一發固安縣撫卹趙村等二十九村災民二千五百五十戶折成一萬二千四百五十九口半計發銀四千五百四十一兩三錢棉衣三千四百件
一續買河東陳家溝義地價銀一百三十五兩六錢七分二釐
一采買大米二千六百石價銀四千七十一兩五錢五分五釐
一采買小米一千八百三十八石八斗五合五勺價銀二千八百三十八兩六錢五釐九毫
一采買紅糧三千四百八十三石四升三合三勺六抄價銀三千九百十九兩九分四釐一毫
一折耗粳米八百一十一石三斗九升三合五勺六抄
一折耗粟米八十九石六斗九升一合六勺
一折耗紅糧四十五石三斗三升

一江浙各省捐助棉衣由大沽運津運腳等費大錢三百七十九千五百二十四文
以上共支銷
漕米大米十萬七千五百七十一石九斗四升六合二勺
粟米小米一萬七千八百八十一石四升二合一勺
紅糧四千四百三十八石七斗六升六合三勺六抄
銀三萬四千五百五十五兩四錢一分九釐九毫四絲一忽
制錢二千一百十四串九百二十四文
棉衣九萬七千三百八十九件
支銷十二年分賑撫項下
一天津縣貧民二萬八百四十四戶大小折成七萬三千六十二口計發冬春撫卹小米三千五百二十四石六斗二合一勺五抄
雜糧九千九百四十一石三斗四升七合七勺五抄棚廠經費銀五百二十六兩六錢六分八釐八毫六絲一忽棉衣四千一百五十件
一靜海縣貧民一萬一千八百五十五戶共大小折成三萬三千五百口計發冬春撫卹雜糧七千石經費銀五百兩棉衣三千件
一青縣貧民二萬三千九百十八戶共大小折成十萬六千二百四十五口半計發冬春撫卹雜糧七千石小米四百石經費銀五百兩棉衣三千件
一滄州貧民一萬一千五百六十二戶共大小折成五萬一千六百四十二口計發冬春撫卹雜糧六千石運腳等經費銀八百兩棉衣三千件
一雄縣貧民六千五百八十一戶共大小折成二萬三百五十三